

錢文敏公全集

茶山詩鈔目次

卷之一

古近體詩一百五十首

卷之二

古近體詩八十九首

卷之三

古近體詩一百二十二首

卷之四

古近體詩九十五首

卷之五

古近體詩一百六十二首

卷之六

古近體詩八十五首

卷之七

古近體詩一百二首

卷之八

古近體詩九十五首

卷之九

古近體詩一百四首

卷之十

古近體詩九十七首

卷之十一

古近體詩一百五十七首

茶山詩鈔卷之一

武進錢維城稼軒著

子中銑 中鉅

已未至丙寅

雜詩六首

崑崙有喬木百尺參雲霄黃鵠巢其巔陰雨無颺颺良  
宅得俊子三五鳴咸韶一朝長風起各各搏扶搖君寄  
北山近吾託南山遙豈無追風意萬里同遊遨遲速各  
有時安居養羽毛

青陽逼歲尾萬物回春姿動植各有息造物何所私溪

禽浴短草谷鳥吟高枝微露靄以降溫風日夕吹東園  
桃李樹不言有餘思

高樛何蔽芾偃蹇空山中不知幾何年老此支離躬其  
下有叢蕙零落悲秋風但怨古香絕疇羨危柯崇達人  
齊彭殤志士爭窮通珠崖有銅柱千古標英雄甘羅年  
十二一言存燕封丈夫重竹帛脩短將毋同

朝雞起羣動萬物奔一身筋力盡毫末錙銖變辛勤豈  
無賢達士大勢圖自存黃金有靈鬼白水爲真人不與  
土同價乃與帝爭神劉毅擲百萬王戎營一文戀者不  
獨富輕者非全貧此物不卽廢骨肉難久親昇平第一  
書慷慨誰爲陳

油油溪邊雲上上高宇密作雨散郊原溪頭仍白日  
霖曾未收天空膚寸失仁人重桑梓烈士輕家室功成  
忘本來大義有所拂豈爲惜浮榮衣繡中夜出

黃河從天來屈曲東向奔巨靈劈高掌鑿險開龍門龍  
門兩片石萬古束其根中有小鯉魚乘流躍朝瞰雷火  
燒砥柱羊角搏崑崙朝遊濁河水暮逐長空雲險喁沮  
洳間安識銀河源

邯鄲姬

對酒卸銀甲秦箏嬌不彈留郎七寶劍珍重報恩難

立秋二首

庭梧葉落識新涼千里鄉心此夕長遊子衣裳還薄甚

茶山詩鈔

卷一

二

莫吹玉露入高堂

寥落天空晚色涵  
西山孤月上虛嵐  
雁門關外隨陽鳥  
一夜風高盡向南

宮詞

折腰垂手亂飛香  
金殿燒蘭秋夜長  
醉舞不知羅袖薄  
芙蓉花下月如霜

反昭君怨

青塚年年只自春  
琵琶千古共沾巾  
內人斜畔無情草  
掩盡毛工鬻裏人

執金吾閨人曲

漢家天子當年願  
夫婿勲階近日升  
腰裏三千金市聘



芙蓉二八曲欄凭鳥啼簾外粧還未鐘響樓頭醒不曾  
愛踏清宵九門去上元叮囑放春燈

羽林郎閨人曲

羽林二八少年郎紫禁歸來白玉堂寶瑟橫陳秋水劒  
鐵衣齊繡合歡裳百杯綺席調鸞鳳一笑平原跨驊驢  
却恨黃門工獻賦至今車馬駐長楊

高安侯閨人曲

雌雄彩鳳舞高春通籍明光奉紫宸寶馬進宮金闕曉  
香車歸第戟門新桃花欲暎君袍色柳葉還添御筆勻  
聞得麒麟閣上語預愁夫婿禪他人

富平侯閨人曲

茶山詩鈔

卷一

三

金鞍齊出上東門天子相知第一人  
不見班生陳正論  
總教嬌女怨青春韶光九十惟供獵  
翠鈿尋常只駐塵  
今夜未央猶有宴畫樓空掩月華新

裴羽仙唐人也其夫從征匈奴爲利鹿所擒音信  
斷絕余讀其詩而哀之爰廣其意作詩三首

壯夫一去老羗羝塞月空歸冷院西  
天子恩深漢武帝  
年年愁殺李陵妻

白草秋風滿目吹錦文無路寄相思  
一聲烏鳥啼明月  
知是穹廬不寐時

久矣無心事剪裁羅衣成土帕成灰  
帶頭只有同心結  
郎說歸來親手開

古意

脉脉柔情淺淺溪水晶簾影隔霏微月明欲賦褰裳句  
可惜王郎白袷衣

讀史

落門寂寞淚紛紜監護當年空大勲莫向雲臺問圖畫  
滎陽先有紀將軍

雙塘舟中

渺渺雙塘路連帆落照間沙明疑有月天碧欲無山別  
浦空烟積深村飛鳥還叩舷歌白紵心共水雲閒

南陽牖

青棗林邊雨後蛸南陽牖口晚來潮一天晴靄懸雌霓

兩岸平湖隔斷橋小艇連翩爭布網荒坡羃歷隱歸樵  
野人不識農桑事也復熙熙說聖朝

居人惟以  
漁樵爲業

秋夜別

清霜吹柳枝采采不堪貽南浦一相送秋風多所思征  
帆雲外落歸雁月中期誰識寒蛩語聲聲是別離

班婕妤

縱處昭陽殿恩榮祇分中無爲對團扇掩面泣秋風

雞門灘

行到雞門灘幾灣兩崖曲曲向舟環怒流激石都成雨  
野竹圍村不見山磧裏草枯沙徑出烟中人語暮漁還  
潺湲聽得心偏競何以輕鷗片片閒

碧玉歌二首

妾心如井水任風無波起井水如妾心酷暑澄清陰妾  
心將井水悽愴得所死誰語寄詩人綠珠今已矣  
狂且愛妾貌主人感妾心妾貌與妾心畢竟誰者深惜  
花莫採花枝折花亦死君看瓶中荷飄零豈無水

擬古怨辭二首

莫驚池邊鳥驚處可憐飛莫折池中藕折處可憐絲妾  
恨妾自守芙蓉鏡中悲空窗復愁月寂寞爾何期  
不爲紅粉粧上樓久踟躕記得別時語丁寧赴成都奈  
何一封書來自長安途春雲望不極青空接榛蕪別處  
尙無所歸期復何如楊花飄飄去妾夢與之俱

晚渡錢塘江

輕鷁引孤興澄江澹夕容  
烟光平野樹水色上遙峯  
天與征帆遠雲將落葉封  
閒看海鷗宿葭莢去無蹤

題板橋雜記後四首

山作溫柔水作香六朝歌舞遍橫塘  
杜鵑啼出新亭淚  
尚有徐妃半面粧

零落鈿釵不記年琵琶絕世肯輕傳  
秦淮夜夜流鳴咽  
應有江州月下船

伯梁醉殺湘真死百二年來斷笑嚬  
欲說開元舊時事  
白頭宮女更無人

莫愁湖上水漫漫長板橋頭笛譜殘  
賸得王孫懷舊賦

相思花發倚欄看

登桐君山

石磴盤松入丹楹  
映竹幽風來清磬  
發日落亂江流極

目窮三郡

東武林西嚴陵南寶發

高懷屬九秋  
桐君何處所  
邀我

白雲遊

桐江卽事

葉落桐江兩岸寬  
桐君山下水漫漫  
潮聲不過元英墓  
帆勢齊迴烏石灘  
蘆荻叢荒秋漸老  
鷓鴣啼苦日將殘  
江頭獨對蒼茫景  
寂寞何人問釣竿

夜坐紫陽山寺聽江濤

蒼翠層層入夜幽  
自橫羌笛譜涼州  
海門不鎖高秋月

一派江聲到寺樓

舟中見月

時計備北上

寒蟾如遠客秋至最關情  
共此一杯酒相期萬里行  
湖南木葉落岸北草蟲鳴  
記取今宵意桑乾聽雁聲

水鼓子

月光空照玉門關  
只有深閨紅袖斑  
莫道邊城少顏色  
燕支未是漢家山

送客

贈子以明月扁舟萬里情  
湖南青草漲愁絕鴈鴣鳴

閨人晝夜思二首

堦前一片日照向盧龍道  
莫使征夫寒征衣寄猶早



錦衾着我體遠於征人思半夜別衾起却繡征人衣

長干曲

郎客楚江沚不似楚江水楚水只東流郎心處處留

楊白花

楊白花飄飄出宮裏盪漾春風過揚子揚子江數千里  
望白花愁江水過江却得還飛來一着江流不復起

子夜歌

妾恨池上冰郎心天上日郎心不相照妾恨有誰恤

綠珠

十斛珍珠買笑來高樓離別兩情哀若教先勸王敦醉  
未抵將軍酒一杯

送君行

送君大堤上淚濕大堤路萬里作飛塵君看着衣處

十六夜月

日月爾一心萬里相隨行胡爲有間隔自貽昏與明一  
月一十五相望自終古纔得滿清輝如何又違迕樓頭  
少女子夜歌瓊瓏珠箔卷金波昨日團光瘦一線明鏡  
徘徊如妾面瑤瑟初彈五十絃月魄絃心兩相見吳江  
水濶烟霧深遙堤夜鎖青楓林楓林葉隙隱斜月白露  
茫茫何處尋茫茫白露明珠漾無情還滴芙蓉上芙蓉  
本是湖中花只向湖邊明月放明朝月出花有情明日  
花開月無恙夜夜高樓共此心誰說今宵不成望

下第後偶占

春色滿關山鄉思明月間出門何處路開口暫時顏白  
眼逢人慣黃金倒篋慳多應慚季子憔悴未能還

秋夜卽事

日落正愁遠天空雲影長秋心同蟋蟀客況足風霜殘  
籊走孤響疎鐘激暗涼自憐如雁燕來去不知忙

孤雁

猶帶輕霜度蕭然隻影低誰憐殘月下最遠數聲啼獨  
夜燕山北相思楚水西蘆花何處白一望野雲迷

渡楊子江

煙草離披去輕帆空際過人同江月冷秋入海風多僧

卷一  
一  
磬清殘夢漁燈點暗波中流聞鼓楫猶唱廣陵歌

途次偶述

無限鄉思對夕暉塞鴻南度影霏微人過極浦侵雲宿  
帆出寒林帶葉飛千里秋懷原自壯半年遊興未全違  
洛陽花鳥應憐我差勝當時季子歸

奉答外舅金安安先生濟陽見贈之作

把菊重陽已後期滿天風雨壓離思雲山極目相望處  
舟楫無心乍遇時互審別容都道瘦借看遊棹各羸詩  
與公便結同行伴共卧秋帆咏好辭

閱板橋雜記見難女宋蕙湘趙雪華而悲之百餘  
年來衰草窮塵零落何所擬詩以弔其墓

荒荒古道來平沙寂寞芳魂歸路迴何處秋霜飛烈日  
至今夜月怨清笳玉煙散紫悲吳女冢草畱青識漢家  
多少鉛華盡零落白楊愁殺暮啼鴉

擬古八首

涼颼一夜吹秋色遍千里孤月落閒階夕容清似水懷  
人屬斯際寂寞傷彼美涼思委衾裯遙情含綠綺寒蛩  
爲我啼棲雁爲我起人生感意氣異類尙如此何斯獨  
寥寥空堂勞徙倚

晨起閉關坐寒齋間吾處抑鬱獨不聊凭軒自延佇颼  
風蕩白日羲馭疾如羽暮色極天來離雁歸無所雲陰  
晚更黑明月落何許我有萬里愁曠想浩無主

渺渺天河水盈盈織女機遙波望無涯心緒紛於絲雲  
薄易爲散花冷不禁吹三秋杳良會日夕含春思

離離雙飛鴻雙飛何秩秩顧非鶯燕儔中心矢專一風  
雲一相失千里煙波濶人生有別離所悲非離別寧爲  
參與商無爲日與月終古自相望終古自盈缺

鴛言適高山將以寫我憂崎嶇疲馬足望望不可留樹  
木已零落浩蕩懷古秋暮雲一千里遠草相與浮獨鶴  
隱隱飛寒空復何求

輕風拂溪雲涼月上秋浦容與木蘭舟迎帆水鷗舞洛  
妃隱前阿帝子降北渚日暮惟煙波美人在何所木葉  
飄飄飛遙思亂無緒宛轉叩舷清商歌激楚

今日良宴會長歌雜清吹韓娥當筵出的爍好容儀宛  
轉歌一曲四座梁塵飛歌罷展雙袖奉我金屈卮無勞  
金屈卮請歌長相思相思結如石杯酒何能爲

客從遠方來遺我一端素白雪飛輕繖開如散煙霧長  
跪啓書讀中心無一句秋高風雲深飛雁來無路靜夜  
啼猩猩湘娥倚紅樹故人心何如故人心如素

春夕與內子對月

晚風衣上輕初月上階行竹影分詩瘦梅香洗夢清坐  
餘涼露下話及故園情萬籟已俱寂遙鐘時一鳴

寄方太夫人

黃雀辭陰林一步九徘徊私心戀恩意非復羽毛稀層

城隔五雲秋氣隨身歸涼雨濕瑤圃輕煙宿桃枝雙成  
顧之笑王母領其頤依然舞飛花珠露沐光儀天空暮  
靄靄島深春遲遲明月一以照清風萬里吹弱波浩無  
疆七夕未有期何處銜黃花洞房簾幙微

苦雨

今年干支窮歲運逢三水入春方一月霪雨苦未已急  
溜衝階翻濕雲籠屋起終朝但愁目入夜少靜耳山田  
足新漲麥隴有顛北山田皆累石爲埂如長垣水沒則傾或數歲失利悲哉深  
谷氓薪炭實生理樵徑滑無蹤偃卧頽牆裏灾祲雖未  
知愁怨已如是去年水淮徐浩蕩無涯涘余時方北歸  
舟迅不得艤長波陷孤日疾颺相與駛遙山儼斷雲出



沒在水底激壑倒迴流刷岸咽危汴草屋或露脊堤楊  
類成薺野哭豈千家中宵未云止至今咨艱鮮饑溺厯  
天子庶幾今秋熟民氣漸寧救胡爲豐隆師鬱怒不可  
弭茲邦誠區區他邑恐似此誰能飛火車燒雲若熱紙  
清空還太陽陰蒸倏然洗郊行度溝洫急爲問縣尉

### 釣臺懷古

客星夫如何孤月燦大明謝生忠義氣皎皎長壑橫寥  
落西臺上千載猶哭聲竹石豈俱碎根與長松擎衰墳  
聞相對夜靜哀猿鳴橫風扼歸棹徘徊未能行豈惟石  
尤險兼此懷古情崩石元不墜飛禽杳然輕溪流何潺  
潺終古不肯平醉歌冬青引聲斷心怛怛

唐韋諷  
詩云夜夢繞

句越落日冬青枝玉潛義  
舉先生諒亦與聞者故云

### 梅花

春色南枝早衝寒雪未消獨吟邀瘦影香夢隔清宵處  
士昔淒惻美人今寂寥一枝徒自折江雨暮蕭騷

### 山後閑步

兼旬積陰雨野徑滑莓苔煙凝林深淺雲浮峯去來疾  
翎將眼過空渚與懷開近覺茲遊最斜陽未倦回

### 擬和高季廸洞房曲二首

洞房春在碧玻璃歡去歡來醉欲迷仗有後園烏相烏  
月明不到五更啼

沉水香焚繞碧紗月華初上合歡花十分春色畱郎住

何處倡家似妾家

遠遊篇

黃鵠隘八極奮翮凌紫雲天風吹汝巢峯頂秋嶙峋惻惻  
惻家居子念彼行道人日月逼歲宴霧雨愁通津潛虬  
蟠幽宮用晦故有神舟楫去無已波濤豈逡巡上有長  
空雲下有清路塵飛花戀故枝轉蓬迷本根遠遊雖云  
好何如守鄉村

登虎邱

蒼茫白虎氣非真鶴澗青苔空復春闔閭墓下已千載  
生公臺前無一人樓頭日落妙香靜松頂月來清磬新  
獨立東風誰是悟亂花吹去雜飛塵

與楊介人昆仲小敘散後有感

偷得霓裳一拍歸人間天上不同時平生何必韋端已  
流水斜陽有所思

誰說清風五兩輕淡雲初過一簾晴落花不作迴風舞  
吹入山陽笛裏聲

笙歌消歇失高春橫竹從飛萬曲塵獨對南窗聽征雁  
夜深誰信倚樓人

洞庭秋水一千里巫峽夜猿三四聲總是酒闌人散後  
月明窗外五更情

白杜鵑花

水晶簾外影斜橫細剪春雲片片輕夜色微茫何處是

恰當枝上月三更

秋柳四首追和漁洋山人

猶見絲絲踈地長煙痕不耐九秋霜別來鶯語思春色  
帶得蟬聲戀夕陽影淡橋邊休盡折舞餘殿角有微涼  
永豐西去無人久何處荒園是舊坊

風前月下尙毵毵斟酌柔枝恐未堪繫馬已空斜日迴  
棲鳥不定野烟含望中客子辭江北老去將軍惜漢南  
重見鷺黃晚憔悴可能有汁碧于藍

水冷吳江楓葉丹細腰青眼不禁寒風霜板渚愁中盡  
煙雨秦淮望裏殘吹笛關山懷故國前裙洛下失新歡  
陌頭別有傷情處莫遣高樓少婦看

自搖疎影映迴汀幾日春郊處處青  
永定河邊久離別  
靈和殿裏舊娉婷夢歸故里街西館  
神在當年水面亭  
何必風流歎枚叔明湖賓從亦飄零

後山

閒門山路近日涉趣偏成溪鳥似相識  
野花都未名遙  
情望中起宦況到來清采采俱堪茹  
何勞雉尾羹時家君有

赴蕭山信

漫興二首

四載桐廬客真成瀟灑遊山因客星古水入富春  
流野草花侵屐遙帆影上樓丹砂如可乞肯笑買胡醵  
最愛嚴灘水清流滿縣間誰將剡溪雪易我釣臺山春

色堂堂去鷗波片片閒西陵亦好在且作自厓還西廂

建德也故用南  
華山木篇語

### 讀漁洋集書後三首

論詩昭代子赤幟屬新城前輩誇何遜君王問馬卿聲  
名豈當日泉石是生平故里漁洋近蒼茫終古情

秋日明湖社春風水繪園似聞焚筆硯誰與屬橐韃使  
出仙人掌家原名士軒風流今已盡何處望龍門

遼海年年哭秋風日夜號故人無狗監時俗自牛毛蘭  
陸思公子江河惜汝曹君家舊中允肯借鬱輪袍

### 題小山茶社四首

有序

山後植木爲茶亭諸君登山者咸憩焉屬家君

擬託遂初之賦余因以小山茶社名之得詩如

左

誅茅真作野人家雜樹叢篁夾徑斜三載清風誰管領  
小山閒啜一杯茶

屋角溪流看去急樹頭帆影到來遲好從兩腋風生後  
賭取黃河遠上詩

一髮青山落日邊東籬初見興悠然筆床茶竈他年夢  
家在人間第二泉

烟雲供養憶前人瀟灑桐廬舊富春一酌清流浮楫去

湘湖東下試尊羹

黃子久曾  
流寓於此

贈沈鍊師



一縷烟生清淨香  
高人白日鎖山房  
靜聽泉韻填琴譜  
閒採松花積鶴糧  
問道幾年塵鏡澈  
談元五夜石床涼  
蓬壺卽此人間世  
莫遣神風更渺茫

舟過馬家口

何必山陰道  
斯行愜素思  
十洲方朔記  
五字右丞詩  
霽目懷前路  
餘情託後期  
祇憂靈境幻  
重過使人疑

將抵蕭山

舟過重重惜帆來  
面面迎岸容  
隨水轉山勢  
挾雲輕幽意  
非人世  
清光豈宦情  
深公如買得一履  
是生平

七夕

玉漏端爲此夜長  
荒雞休報五更霜  
人間兒女空河漢

天上星辰亦鳳皇  
鳥鵲多情猶比翼  
蜘蛛無巧不成章  
白榆丹桂相望近  
只有嫦娥怨未央

得句

客意草蟲似終宵  
愛苦吟誰能當好句  
不得其知音芳草  
爾何物美人期素心  
行將提綠綺一擲碎千金

弔謝臯羽先生墓

關河地到厓山盡  
荒塚還留宋逸民

墓碑係家嚴  
宰桐廬重立終古

西臺猶有哭至今  
南國更無人千秋正氣  
隨燕市一片江湖咽  
富春莫對白楊悲  
寂寞冬青樹下且飛塵

謁嚴子陵先生祠

南陽真帝子夫子獨何心  
高卧率當世孤標貴至今  
魚

竿長寂寞人事日浮沉山水清如此低徊太古音

七里瀧舟中晚霽

峯峯非一色蒼翠與雲分泉帶虛無落松濤遠近聞雨  
過艱上瀧山直易斜曛更傍前溪泊閒鷗擬結羣

建德舟次

秋半江城客未還岸蟲堤柳亦相關清溪何事古今急  
白鳥無心天地閒月上三山新似鏡瀧名七里舊如環  
暮潮東去無多路愁對蒼蒼烟霧間

子夜歌

秋夜一何長不爲郎情短白玉作楸枰中心自冷暖

有懷奉寄邵三翰林

種柳依彭澤  
垂竿傍富春  
山雲浮故國  
江月照懷人  
一別至今日  
三年猶此身  
欲乘秋水去  
風雨恐迷津

月下溪行

兩槳盪輕煙  
楓香晚花渡  
故人隔水村  
月滿西洲路

桐溪舟中

舟行良自在  
卧愛水如天  
却訝雨翻浦  
不知風滿船  
浮雲一溪影  
初月半篙烟  
白鳥真吾友  
飛飛故傍舷

舟行遇潮

夜半帆檣急  
江潮逼赭山  
風聲搖地肺  
水勢落天關  
壯士千秋恨  
雄王一箭還  
平生忠信在  
舟楫笑談間

晚過鷺脰湖

春水生暗波初月落遙渚不見前舟人時聞隔烟語

送客還江南

春色忽無賴亂花隨別情烟波衝獨鳥舟楫去孤城雨  
暗津門驛天低處士坐懸知兩相憶殘角向三更

登第後偶占

深居拚乞過春殘淚漬青衫尙未乾曉日忽開三里霧  
輕舟竟上九重灘平生溫飽何求足畢世聲名欲稱難  
更有舊交司戶在十分春色厚顏看

月下吹笛

碧雲無際海天長十二樓頭思渺茫一曲落梅吹夜月  
霜華飛下薄羅裳

江南曲

余本吳人錢塘舊遊也爰作二曲以艷之

百舌喚春春似簇千里江南一時綠嫩香晴碧兩參差  
枝頭巧譜相思曲大堤曙色明高樓葉底暗風吹短謳  
宮衣紗帽誰家子木蘭貽蕩遊西洲西洲水暖迎春早  
嬌女含情踏芳草露珠如淚壓愁紅一雙乳燕掠人惱  
停桡促步遙相慕家在橫塘板橋渡門前鷓鴣護晴沙  
楊柳扶烟嬌向暮藕腸牽縷如儂意明月爲懷贈君去  
江南無地不飛春別却江南何處路

錢塘曲

越山遙碧幾時春陌上好花嬌似人暖香熏客春遊醉

薄日似烟籠絳塵赤欄橋畔馬蹄軟新草絲生翠淺  
柳絲搖影露瓊樓十二曲闌簾乍卷西陵小院曲江曲  
烟漿啞啞弄涼玉暗潮初退晚江平漠漠水容逗空綠  
玉笙何處傳芳情紫瓊花下雙鸞鳴沉香蹴步舞迴雪  
蟬翼拂雲輕復輕錦衣公子辭金闕芳草無情歸未切  
碧樹圓雞夢欲成半灣西子湖邊月

懊儂歌三首

瑟瑟天上風吹我機上絲絲絲是儂淚贈郎郎不知  
機中千萬絲有日織成匹如何久乖離總是兩相憶  
君爲三春燕妾作九秋鴻斷針紉絲布目盡難相逢

懷竹有序

余性喜竹桐君蕭然官舍中手植及剪剔成行者各數十百枝皆疎落可喜雪月夜尤佳客邸無聊物物繫念此其最也

蕭蕭疑隕籟虛室卷簾時明月一庭影暗風何處吹嶺雲過夢遠湘淚感秋遲空有歌聲咽寒猿最得知

病中赴莊方耕昆仲消寒小集散後抵吳會昭寓剪燭共論義山長吉詩至漏盡始歸

舊遊疎失若飄蓬小集西園得暫同病眼不知詩律細

鄉心聊逐酒杯空千年碧冷三秋夢

謂玉溪昌谷

一寸紅銷

五夜風騎馬出門愁未曙滿天霜影過征鴻

寒月四首

消寒六集分賦



殘冬何事不消魂  
況復寒蟾對掩門  
影過北庭連朔氣  
霜空南浦失秋痕  
隔簾清瑟悲遙夜  
繞樹啼烏念舊村  
極目關門千里道  
重衾夢斷不堪論

清於秋水冷於霜  
白石臺階似碧塘  
六曲屏空初識面  
五銖衣薄不開箱  
新歌紈扇愁空結  
舊約刀環路正長  
一賦謝莊休更誦  
雁飛木落總淒涼

銀蟾空戀紫貂衣  
紅袖重簾事竟非  
南國梅花全寂寞  
西山雲影半依稀  
若爲苦竹和烟重  
似有孤鴻帶雪飛  
獨把玻璃斟永漏  
舉頭吟望意多違

青天碧海鎮相憐  
終古離愁一片烟  
百尺高樓光冷落  
一聲長笛思纏綿  
霜碁已盡閨中力  
星紀將回客底年

記否蕭然殘雪後扁舟初放剡溪邊

送王義山之任嶺南

單車指炎服風暖見南溟仙嶺留丹雀花田足素馨海  
珠春後雨雲母望中汀故老羊城北朝朝待使星

歲暮雜詩三首

客處昧節候終日愁夢夢及茲春陽轉始知歲將終井  
泉上微溫原樹拂澹風造化本無意萬物欣所同虛堂  
闕幽岑華燭照夢中故園渺何許落月平遙峯行役願  
多違浮名亦何庸

我思鮑明遠長歌行路難停杯撫清琴抵節獨長歎親  
舊乖遠方寧得羈一官離家猶昨日歲月忽已殘嚴巖

響空林中夜摧心肝客居自凜冽豈爲衣裳單踽步踏  
燈影跼促眇所歡豈無凌風翼飛雪天漫漫

獨鶴翔青雲矯矯超天衢豈知野田中安穩眠雙鳬丈  
夫志四方豈必懷故都朝乘青驄馬暮逐平原居斗酒  
飲未終絲竹紛相於席罷還入門回首空踟躕窗寒掩  
寂寞此歡復何如人生貴適志富貴何所需季鷹亦高  
人秋風憶蓴鱸

爲某題寒山白雲圖

澄溪澹澹迴練光斜陽落景看微茫碧峯吐雲流素長  
叫秋老樹酣嚴霜斷橋蕭寺隔秋水落葉聲乾鐘到耳  
野烟欲上天影空水鳥驚人蹴波起吁嗟此景不可到

蘇門先生寄幽抱科頭箕踞何所爲獨對蒼茫發長嘯  
烟霞一載懷新雨夢裏涼蟾隔秋浦毫端彷彿見孤標  
白鷗萬里波迢迢

題寒翠草堂圖因懷桐廬蕭然書屋二首

白石新精舍清溪舊草堂幾時縈寤寐是處入篇章庭  
樹迎人靜山雲遣興長誰能看此畫無意賦滄浪  
巖瀨棲遲久蕭然寄跡多敝廬違偃息清境恍經過昨  
夜疑風雨他年負薜蘿遙情赴巖壑掩卷一長歌

送江補堂歸維揚

綠雲匝地輕輿走春明門外麴麴柳弄絲振管變遠情  
百川河山一壺酒醴陵才郎醉花顛夜唱燕歌愁小別

江南青草憶王孫  
衣帶如蒲不堪結  
錦鸞曉射胭脂紅  
霜蹄白踏長楸風  
廣陵春色馬頭見  
水烟山黛青濛濛  
高情莫戀蕪城賦  
二十四橋明月處  
寄語平山山上雲  
早送秋帆江北去

范凝園招遊王氏園林十首

雨洗賞花期  
高情及令時  
春姿弄雲日  
野色帶茅茨  
園古行人識  
山深到客遲  
年來負巖壑  
因得憫羈思

蒼翠滴餘清  
林原傍晚晴  
入門斜竹徑  
迎客落泉聲  
烟水經年夢  
鶯花到眼明  
襟情初澹蕩  
頓覺厭浮榮

小築平生願  
棲遲舊有村  
一身縻薄祿  
三載閉閒門  
風雨前期在  
湖山素業存  
乍來圖書裏  
更自憶田園

祖氏傳名久風流憶昔賢地經詩酒韻花借品題妍積  
翠仍山色浮空自野烟漁洋賔從在可復似當年相傳

祖氏山莊王新城嘗譙集於此

亭對郊原濶農家滿稻田村容桑外雨人影隴頭烟新  
漲平前曲殘虹沒半邊不知塵市近疑入洞中天

堂敞雲生席臺高鳥避鈴坐承新草碧杯落遠峯青

舞驚酣壯

時有徐客擊劍

詩成動杳冥勝情兼韻事應不負山

靈

風柳迴溪上烟波澹暮春葦深斜過舫橋曲遠通人鮮

摘銀絲藕香浮雉尾尊還疑聽鶯語斗酒越江津

淺碧明衫色輕風宜泛舟花邊烟渚暮人外水亭秋鷺

眼窺詩帙菱絲胃釣釣似聞歌白紵知隔幾溪頭  
繫舟楓葉渡古磴夾松杉石蘚翠無路草花香滿巖步  
遙宜小坐酒醒怯單衫喜見纖雲淨林梢月半銜  
高枕素心在勾留及閉關暗雲遲去馬明月想前灣再  
訪愁迷渡何時遂買山無聊與公子垂轡且俱還

卽事

白紵經旬卧青苔泱地浮病來人事絕門掩草花幽雨  
氣移殘暑蟬聲過早秋故鄉烟水夢寥落付沙鷗

題王滄洲先生五經遺卷後

光芒今尙爾寸晷想通神終泣羅昭諫誰憐井大春心  
香徒此日顏厚竟何人獨有秋墳血千年碧色新

青桐引

曉風金井入初夢翠裏玉柯飛小鳳泠泠露滴珍珠叢  
綠綺無端七絛動龍門山高一千尺倒掛銀河明淺碧  
依微霧氣卷輕綃水落空巖月斜白涼天蕭蕭商吹起  
夜向空階飄一紙楚客朝來自捲簾幾點霜華生鏡裏  
陶然亭對雨遲黃介亭未至拈韻得對字

西山朝陰森嵐氣紛飄颻涼雨阻令辰同遊半多悔陶  
然舊名勝宜霽亦宜晦況苦久炎蒸雨意彌可愛高軒  
俯鴻濛遠近都一概濕雲墮平陸村樹忽破碎琴瑟何  
琤琮聲在蘆葦內有時疑風濤轉瞬失向背翻思晴朗  
日天地無此態千年丈八溝勝景恰相對公子來何遲



車行得毋礙

送祝豫堂隨

駕五臺拈韻得闕字

旌旗遠從綵雲間  
輦路寒花廿一關  
天入中臺分兩戒  
水從西甍走千環  
日明銅瓦唐朝寺  
雪霽瓊枝塞外山  
記得少陵曾獻賦  
看君金馬幾時還

題畫

水烟欲上霧初升  
并作遙峯幾許層  
彷彿扁舟螺子步  
夕陽影裏渡西陵

聽廣陵相國故妓林大娘度曲

裙屐春風醉後過  
人間誰許聽雲和  
十年零落鈿蟬盡

重唱東山舊日歌

微雨

涼風生卷簾，暝樹蟬聲亂。不辨雨廉纖，秋花隔烟看。

夢觀梅花有懷桐君舊遊

不到桐洲路，寥寥七里灘。客遊天外遠，春色夢中看。官閣人非昔，空江水自寒。鄉愁兼歲暮，并對雪漫漫。

尺素二首

不獨柔毫短，其如積愫繁。此時雖假便，相對亦難言。北雁無朝翼，南風有閉門。封書何所達，將去與宵魂。料得開函後，難猜尺素心。月中疑反覆，人外倦迴尋。不墨乃真畫，無弦是古琴。相思何用說，萬籟寂然深。

茶山詩鈔卷之二

武進錢維城稼軒著

弟維屏 維喬編次

姪

鉞

伯純

校字

子中銑

中鉞

丁卯

贈徐客

有序

徐客塞外人善擊劍騎射嘗與余偕集王氏園  
林杯酒酣嬉不復知有禮節酒後獨解乞余詩  
余愛其朴率有古風為歌長句即題其小像為  
贈

鬱鬱瀋陽城漠漠盧龍道急裝匹騎獨往還意氣徐君

向秋老木葉山頭草如雪夜半鳴笳搜虎穴長弓大箭  
輕射生下馬手掇黃羊血少年氣概老未消談及從禽  
耳猶熱憶昨相逢劇孟家華筵未散日欲斜酒酣自請  
舞長劍繞屋但見雙流霞春風曲巷城南墅秋日長堤  
薊北沙有時突兀掣飛電亦肯窮窈窕尋名花惜君瀟落  
空豪傑羨君蹊蹠無羈絆感君慷慨重性情愛君直率  
疎禮節遼水東流海水深寒峯尙有青松林越禽胡馬  
各相識人生何必皆知音青尊回首復何處朔風又度  
關門去

卽事

翠羽高飛白日斜閒庭無語倚窗紗五侯宅裏春光早

開到東風第幾花

春寒

猶自難禁白袷衫窗前盼斷綠纖纖江南落盡桃花片  
輸與東風燕子銜

諸襄七前輩以昌黎讀書松桂林句爲圖索題

峩峩橫山高寥寥飛鳥去仙人此閉關永晝理卷素密  
林闕幽景古香散空霧坐欲澄道心兼之啓元悟聲清  
風定後意靜雲流處遠挹法公情復協淮南趣石帆飛  
過影渺渺隔塵路手掬語溪烟漱作三霄露蓬壺亦下  
界靈笈思一顧婉轉玉軫音遐哉赤城慕尙契靜者心  
同結烟霞塢

輓嫂李宜人兼慰希裴二兄二首

麻姑一去作飛仙翠羽金鈿盡可憐荀氏有情悽筦簫  
左家無子泣杯棬鵲啼夜月三千淚箏語秋風五十絃  
自此解圍誰博辯悄然遺挂鏡函邊

經年茹藥得清癯幾拔金釵慰有無梨棗堂前傷阿母  
羹湯厨下泣諸姑好將舊夢憑秋雁莫把離愁託夜烏  
幸有葛覃風化在天邊一笑爲投壺

送范星源湖南親迎四首

開府風流鎮武昌新綠貴婿雀屏張荆王臺上朝朝雨  
飛作蘭橈百和香

洞庭春水渺愁予蘭茝新飄明月裾夜半美人同解佩

目成應是笑三閭

桃夭三月好春光  
欸欸風吹杜若香  
烏鵲何須怨辛苦  
錦帆一幅渡瀟湘

京兆于今是慣家  
鏡中螺黛遠山斜  
粧成指認青筠管  
新自蟾宮吐艷花

賦得天香雲外飄

得香字

空際散天香  
霏霏玉宇涼  
露濃侵殿閣  
風細落衣裳  
冰闕爐煙裊  
瑤姬舞袖長  
淮南多少樹  
未及一枝芳

送何子懷舍人省覲

鳳凰閣下接恩暉  
簪筆年年侍禁闈  
青瑣夢中隨御仗  
紫薇花底曝朝衣  
雲生古道連晴苑  
花發濃香繞

絳幃春酒一尊看獻罷仙舟相約到

皇畿

題鄭履坡愛菊圖二首

剡中邱壑幾年情況復湖光八月平歸去來兮迎一棹  
秋風千里試尊羹

輕風吹帶倚長松白眼遙看天外峯半畝黃花招隱客  
無人知是鄭司農

題屈悔翁弱水集

少陵窮更懶米芾老尤顛辛苦成名士支離及暮年精  
神千首盡湖海一身懸寂寂蒲城路風流亦可憐

雨後存園小集



春盡鳥聲裏涼生雨氣中  
虛堂仍對酒密樹不當風  
蓮子投壺妙梅花擲笛工  
新詩催未就翻惜片雲空

重過卧佛寺

不到招提境驚心已一年  
仍爲獨往客只是欲秋天  
斷壁懸殘雨疎林帶暮蟬  
遠公留蛻後蕭寂虎溪烟

香山道中

驅車入雲去一路水粼粼  
興忽先歸鳥山如對故人  
林迴殘照迴雨迴翠微新  
却憶西陵道何時得問津

古園歌

洛陽城南山詰屈中有名園屹盤鬱  
古木蒼蒼欲障天  
故老相傳百年物不知誰氏好幽奇  
鑿此瓊瓏烟霧窟

孤亭上切青冥高野岸倏對瀟湘濶廊迴檻側勢萬端  
疑有浮雲出幽室爲憶當年初建時主人氣盛如虹霓  
造幽闢險意未足每逢歡賞猶嗟咨擬移金谷作別塢  
欲奪沁水添秋池雪峯冰柱一失足雲房月檻空迷離  
樓臺深鎖誰爲主落盡春花與秋雨白日風高自燕飛  
黃昏鬼嘯空人語長簾墮地生青蒿古瓦頽鱗竄蒼鼠  
就中滄海幾變更朝爲笑聲暮哭聲豈有年年歡宴客  
惟聽夜夜哀猿鳴舞筵乍散席未暖樂事纔終邱已平  
祇今石上畱詩處無復當時舊姓名入門下馬誰家子  
氣吐風雲莫敢指道是深宮新賜歸便葺朱門換雙檠  
塗金錯采指顧間更覺輝煌非昔比笙歌處處徹雲霄

酒盞深深翻海水座中賓從何紛紜捧觴上壽躋珠履  
蘭膏馥郁夜未央鳳幄微茫日初起舊事誰人識爽鳩  
歡遊千載方從此

七夕詩六首

涼露微雲不污塵仙輶回望水粼粼笑他乾鵲稱靈巧  
辛苦成橋渡別人

甲剪燒殘午夜香月斜深院獨相望倘能賜與金梭後  
可要機絲報七襄

日薄花嬌相望過憑欄有客怨微波再休浪與蜘蛛巧  
已解漫空結網羅

豈有人情好別離縷條針孔費尋思羊燈影裏朝粧故

斯是蘭成作賦時

聘錢宿負費徘徊雲錦盈筐不算財輕易莫言天上好  
由來避債總無臺

良夕虛逢冷似村棗花槐葉掩閒門誰云南阮無聊甚  
猶有竿頭犢鼻褌

題憚南田詩後

千秋逸客南田叟三絕人推鄭廣文今日白雲溪口月  
清風猶似見夫君

遊西山雜咏六首

秘摩崖

山空斷人跡石屋生幽雲客到午風歇遠鐘何處聞客

林隱曲磴高崦迴斜曛還思造深谷麋鹿真吾羣

法海寺

不知法海寺路入松杉深一騎繞雲去千峯生畫陰山  
門倚危石佛閣憑高林振策獨長嘯清風如素心

龍王潭

林端吐飛素裊裊墮峻坂爲愛聽潺湲山行不知遠龍  
潭才一畝清影足滿眼日暮水烟升愁生半山晚

大悲閣

入山逕已深嵐氣若微雨孤閣響風鈴高僧正無語慘  
疎簷蔔林清影澹天宇回首眺歸途斜陽墮平楚

寶珠洞

言尋寶珠洞更上翠微頂俯仰一茫然身世在杳冥濛濛下界塵落落衆山影願與歸鳥偕翩然度烟景

聖感寺

空山萬感寂恍聞清淨香愛此幽谷坐清泉雜松篁天風過鐘磬雲氣隨衣裳方期結蓮社散髮長翱翔

月下懷家君舍弟舟中

幾點蕭條黃葉村冷風相送下津門孤帆今夜三更月何處空灘聽斷猿

同好如莊仲醇曹劒亭各抱恙余亦屬有採薪之憂經月不晤詩以遣懷并寄二子

咫尺不相見秋風日夜生故人同屬疾新月復空明落

葉委窮巷寒砧達曙更聊垂楚蘭咏淒寂轉含情

寒夜聞雁

朔風陣急雁孤鳴雲外寥寥一二聲關塞無邊空北望  
雪霜何事獨南征秋河遠落桑乾水寒杵愁連木葉城  
此際離人盡回首不知白髮向誰生

屬疾寄劔亭

微疴如小隱閉戶卽山林節序拋孤枕生涯賸苦吟霜  
中羣木盡雨後一燈深持此蕭閒味應符靜者心

過同年唐綺雲墓

幾載天涯兄弟情寢門一慟盡平生法源寺後斜陽道  
匹馬重來宿草平

寒夜齋中卽事

寒更已蕭寂遙岫復便娟清磬上明月孤琴流暗泉投  
林山鳥適背郭草堂偏此夕念湖海予懷正杳然

戊辰

聖駕東巡

躬詣闕里展謁

孔林秩祀岱宗省方布澤禮成恭紀

芸生隨鴻濛至道若元氣前爲五百年後餘二千歲我  
皇今首出道統合符契遠紹軒黃踪高軼殷周治陶鑄  
萬古心先天得神智高山獨所仰鳳德有深企春殿理  
鳴琴悠然見車器戊辰歲二月吉日選車騎彩翟奉



安輿和鸞間清吹溫風始戒途韶景自迎幟輦路宿塵  
清旌門曉花麗桑田屢稅駕麥隴每延轡豈惟見聖心  
兼此勤民意哉哉

文宣廟屹屹漢唐碣里巷接昌平林路繞洙泗得門古  
所難入室神斯寄几筵思憑依楷檜凜斐憩洪聲信登  
假大禮慶明備望古情益遐尋源証厥自金天首昭告  
家相復臨祭煌煌四賢讚巨石隆勗屬重道傾夙誠時  
巡廸前誌因迴崆峒節坐受塗山幣望秩修虞禋懷柔  
緬周制天門晴蒼蒼日觀雲細細蒼生育威仰木德祖  
青帝春從萬戶回澤自九天賜

皇章恢麗鴻軌迹澹夷易明堂

天子位東魯聖人地出震齊萬靈登山俯寰世百祥苞  
元符一德秉謙志匪以昭慶成匪以崇號謚神功旣蒼  
茫僊軌徒誕異卑哉七十君升中費鴻議

送吳自堂之任嘉祥并乞花種

嘉祥多牡丹

使君單車下東國書策一筐擔不得長鬚蒼頭才二人  
候吏道逢莫能識山東比歲恒苦飢兖州一郡尤流離  
伶仃旦暮轉溝壑問君何以拯瘡痍屢傳

明詔沛甘雨

田賦盡除俗吏苦知君瀟灑非此徒瀕行

示我梅花圖

以馬麟畫梅見示

此邦況有前賢跡絃歌雅化今

何如絃歌雅化今何如澹臺劉前青草蕪憑君點染作  
春色惠我河陽一二株

奉

命特試賦得五月鳴蜩

限十四寒

五月薰風滿蜩鳴覺暑闌榴邊霞欲暮蒲外雨方殘葉  
密棲宜穩枝卑抱豈安質從初夏化聲在未秋寒斷續  
知身弱依微想翼單院深傳處迴林遠聽來難空意號  
烟景何由乞羽翰上林欣借得沆瀣擬仍餐

題齋應

制

山寒轉孤寂恰合高人居氣與竹室冷雲映松窗虛遙  
岑寫幽澹古木森扶疎嚴飈罷中夜清響餘前除卷幔  
怯凜冽兀坐懷清孤橋南屐齒凍溪西夕陽晡獨與素

心人擁爐同著書

奉

敕圖冬景山水障子敬系以詩

潑墨作寒烟林嵐繪幽想淋漓素障間元氣混濛潏雲  
含垂垂勢澗咽潺潺響積雪明武功人家傍仙掌崖巔  
半扉隱巖畔虛亭敞誰歟寄岑寂兀坐披鶴氅松風清  
琴軒竹色映書幌探梅渺詩興策蹇罷孤往橋頭斷蹤  
跡溪外窮俯仰暮色天蒼茫寒威日凜冽境孤氣易肅  
結構徒恂恍憑誰叩真宰已自迷象罔庶抱歲寒心區

區企

真賞

題王履仁秋江返棹圖

秋容看愈澹人更澹於秋寫入瀟湘景仙風一葉舟  
蒹葭勞遠思楊柳蕩新愁何計畱君住溪邊作石尤

得家書

撲戶西風敗葉飛漫天秋雨濕雲低萬金珍重家書到  
斗米艱難生計迷雪嶺王師猶轉戰滄江旅客漫安棲  
六旬老父頭全白聞說飢驅度建溪

題吳會昭中流砥柱圖小像

誰云黃河水乃自天上來奔流屈曲走萬里驚波駭浪  
爭喧豗禹導崑崙下碣石龍門一峽飛霹靂巨靈高掌  
摧雙峯尙有中流立如壁延陵公子豪氣多往來湖海

聞高歌人間要津漫不問十年一第猶蹉跎獨將心事  
託毫素幾日尋源上天去黃頭擊楫歌莫哀濯足滄浪  
復何慕秋來百川方灌河河伯氣盈驕海波乘槎何路  
問消息當頭怪石紛嵯峨風濤撲天白日暮酌酒勸公  
公莫渡

題畫扇送徐芑泉歸德清

木落津門野色迷  
踏歌聲裏夕雲低  
相思此際如秋葉  
一路隨君到霅溪

閏七夕有感和許西峯

秋期已過歡娛節  
良夕還疑夢寐遭  
休歎黃楊偏有厄  
須知銀漢本無濤  
殘絲幾處漸分巧  
禿尾何心敢告勞

惟是樂陵臺畔樹懷人重恨雨蕭騷

送許西峯之滎陽任

君到滎陽地休登廣武城英雄去何許豎子且成名秋  
氣當杯見浮雲過眼輕鳴琴聊逞意山色解逢迎

奉和陳紫山同年香山拜

恩恭紀之作

時與予同署日講官

拜

恩聯轡出城阿別苑雲深振曉珂萬壑春迴霜氣暖九  
霄路近月明多初陪香案登華闕同懸霓裳憶大羅喜  
接瀛洲舊都講爲傳白雪有高歌

洞庭秋泛圖爲顧培九同年賦

霜飛葉落湖水秋獨棹蘭橈桂楫之松舟芙蓉幕中初  
罷席杜若洲邊欲放謳湖烟霏霏月微上愛說南風輕  
五兩岳陽樓頭一笛吹九疑縹緲愁相向竹簫簫以淒  
風波渺渺以疑雨遲美人於中洲悵夷猶於北渚北渚  
兮迢迢紛吾旆兮雜輕颺極目兮遠望感芳草之飄搖  
芳草時已歇滄洲茫茫不可越揮烟擘素理卧遊萬里  
瀟湘落蓬闕夫君自有添毫手三歎披圖重回首三湘  
七澤波浪平胡不浮家浩蕩隨君行

贈外舅安安先生之蜀

蜀都本號繁華地太守原非冗長官絕徼只今烽火急  
高堂況是別離難天涯涕淚揮鞭盡江介風雲滿目寒



公是漢宮題柱客驚塵回首一長歎

西山雪霽同人分賦限山字

長安雪後見西山積素晴輝萬壑間  
潭柘月寒迷遠寺居庸雲合阻雄關  
寒門賓雁經時斷絕塞征人何日還  
着屐橋頭聊逞望梅花鄉信未應閒

暖研歌

蕭齋寒威生積雪玉椀鱗鱗作冰纈  
敗裘朝擁啓書幃晴旭無光筆如鐵  
吁嗟暖研誰造得直作火攻非下策  
想驅丁緩琢山雲鏤此端溪一片石  
元霜融融如見睨淚痕不凍鸛鵒眼  
春回髹几蒸層陰喻糜吐花自舒卷  
侯家本封離石鄉出入溫室多輝光  
火井曾移作湯沐

溫泉更與開新莊薛公畫鶴尙書老九錫文應重起草  
炙手可熱誠絕倫爐氣成雲亦胡巧我聞昔日南熏殿  
天子迎冬御玉研辟寒之匣火齊粧不數羅紋與金線  
侍臣獻賦天笑新賜歸捧出人爭羨樗材久忝趨承明  
耳聞盛事猶心驚只今閉戶理毫素發篋每怕肌膚凝  
石田喜得火耕法已似吹律逢鄒生酒酣濡墨寫長句  
着紙淋漓散烟霧詎諧跌宕亦寓言不覺高歌白日暮  
此時袁安僵卧掩敝廬呵手正作空中書

陶淡

神峯海上浮簾忽在水底所以神仙人可望不可企陶  
君懷冲淡妙契烟霞旨避俗兼妻孥何況棄城市出入

一斑龍耕煙種蘭茝朝餐若木英暮屑瑤華薤鸞鳴必  
三山鶴舉亦千里有客訪遺蹤茫茫阻湘水

送寒

且喜回和早冰霜祇暫時人情疑愛日天意驗殘枝綵  
勝栽蘭閣辛盤薦玉甃歡呼及簷雀真信物無私

己巳

夢遊桐廬贈高明府同年律句因足成之

郭令行春地桐君採藥鄉山雲移塔影江雨暗花香息  
景情初愜鳴儔徑未荒竹枝吾手植問訊幾多長

題王存懷畫冊

王郎善畫非畫師胸中乃有千卷書陶鎔名理出幽怪

五嶽滄溟環其廬襟期夙擬曹將軍傲睨富貴真遺羣  
鄭虔落拓寄詩酒子久供養惟煙雲長洲宗伯有真蹟  
寶之不啻荆山璧晴窗對客時一披蒼茫烟霧來虛隙  
與今此冊俱神工刻劃元化開鴻濛陰森雪壓太白頂  
窈窕雲繞香爐峯蘆花瑟瑟響秋籟寒鴉暝落遙天外  
老屋高支斷壁間孤舟獨放清江瀨情移不覺生百憂  
對此茫茫憶舊遊申浦月明秋水濶桐山葉落清猿愁  
人生百年會如寄江山如此空夷猶勞勞塵土何所求  
曷不掛席凌滄洲

平金川雅十章

有序

皇帝十有三年冬命相臣傅恒徂征金川指授方畧番

民懷德畏威稽首來格荒服永寧駿烈豐功依古  
無匹宜發爲歌詩流示無極臣不揣謏陋輒採大  
雅常武之義作詩十章

赫赫明明上帝有明威我寵承之式是九圍昔在

烈祖允文允武

皇帝配之敷佑下土下土允荒孰敢不來王其一

昔嶺峩峩僻于益疆沐我陰雨煦我太陽是鞠是強是  
沸是猖以干我典常

帝用弗臧倣整戎行遄搃其吭其二

超彼毚兎言逋其窟獷爾苗頑言阻其穴曾是穀麇曾  
是芽枿曰威不勝曰力不絀天錫豐庸俟我元弼其三

帝命元弼曰咨爾恒世篤其貞克續其成我糧既峙我

徒既興帥是元戎以方啓行恒拜稽首受成于征

其四

恒拜稽首禡于西郊既類既宜桓武熙熙嶸嶸其巖嶸

嶸其嶸王旅耆之載坦其巢王旅耆之載猶其豪

其五

其豪既獮蟻垤內訏厥角稽首顙于上公上公徐之言

剴其克帝曰俞哉胡殫胡棘祗訛厥衷以底反側

其六

帝有恩命命爾苗頑爾有稚耆勿維勿虔爾有貨寶勿

收勿遷俾爾宅爾宅俾爾田爾田譬彼蛟螭式有造自

天

其七

有造自天彼昏率乂既拒乃氛我武維厲

帝謂元弼寔復來右不淹不舒不究不瘳閱此征夫念

彼農夫 其八

金水湯湯王旅堂堂旋旆央央奏凱洋洋

帝錫元勲載錫之觴載服之章載銘之常休有烈光 其九

震震其霆憑憑其驚亦有和風載嘯載寧蠢爾苗民

皇則懲之有憬乃心

皇則生之仁武我

皇永保無疆 其十

題嶼沙師呼龍耕烟種瑤草圖

天吳沉沉海波靜神風洗雲獻遙嶺玻璃不隔曉光紅  
瞥見神人半身影齊州烟氣熏人衣拂拭蘿薜騷靈螭

但看芝草年年熟，不管碁局朝朝移。我愛湘川陶偶鹿，  
湘川水流一千曲。何處峯頭夜吹竹，明月波心不盈掬。  
七籤宵啓朝羣真，三花朝明照上春。已餐靈藥附雞犬，  
徐甲翻嫌多此身。

題畫扇贈邵七翰林歸覲四首

柳暗津門乳燕飛，烟波一棹及春歸。羨君綵袖承顏日，  
試我三年未著衣。

清溪百曲繞烟鬟，圖畫看來亦解顏。今日送君歸畫裏，  
無聊自寫夢中山。

三疊殷勤唱渭城，輕塵細雨出春明。烟花兩岸揚州路，  
真在陶家扇底行。



酒罷離亭日又曛  
臨歧握手重殷勤  
微情已託差池羽  
共爾南飛一片雲

送劉圃三江南歸覲

昔年十三四與君始相知  
几席共研討里巷同追隨  
君時未弱冠氣已邁等夷豫  
章初援地棟梁有前期  
劖手挾利器慷慨何所之  
懷中大禮賦直欲陳丹墀  
盛名竦高軒雄概超長霓  
李邕求識面袁粲驚英姿  
落落竟不偶棲棲返江湄  
時予客湘右復北遊京師  
始爲連理樹繼作楊花飛  
春風各飄蕩聚散無恒蹊  
戊辰歲二月望子來何遲  
入門爭握手各道長相思  
君才益老蒼三峽倒洪辭  
腰裏遇伯樂天路驂遨嬉  
射策得董生臚雲擁

光輝遂讀中秘書午夜然青藜平生詩酒徒磊磊不受  
羈歡言共晨夕臭味無差池一朝就我別別去還江扉  
豈愛畫錦榮言尋老萊衣聞此感我懷不獨悲別離念  
我別家久五載違庭闈登山愴南顧惻惻長獨悲君方  
後我至乃復先我歸逝欲偕君行薄宦多羈縻浮塵蔽  
空來咫尺生九疑白雲浩茫茫歸夢不可追感舊懷故  
鄉臨岐涕漣漣

七夕詞賀朱石君花燭四首

恰當綺節結相於淺淺銀河不濺濡香閣女郎多乞願  
掃眉才子是黃姑

嫦娥踏月啓瑤扉王母簪雲拭翠微怪底新粧太明媚

上頭初着七裏衣

輕雲擁護出香車珠箔瓊瓏次第遮  
扇底風迴微識面果然日薄不嬌花

不數蘭成作賦才玉皇案下署清裁  
懸知牛渚乘槎後更着天孫雲錦來

喜外舅安安先生以親老改刺近郡

莫歎從戎素願違還朝許着老萊衣  
桃關戍卒日邊靜雪嶺使臣天外歸  
露冕不貪符守貴絕裙真覺古人非  
江行早晚能千里休看鷗鵠南向飛

靈珀詩

炎州松老脂凝血化作奇珍結重穴  
水晶爲質火齊光

中有神葩開應節神仙欲採徒屏營出與  
聖世平璣衡敷榮委籀協分至收攝元化含純精  
法宮考律徵靈寶瑞契天心絕人巧灰飛玉琯無足珍  
葉茁階蓂亦恒草

題畫應

制

高檣遠趁大江行江上秋潮拍岸平唱罷長干斜日暮  
橫塘東去石頭城

庚午

寄壽陳筍眉奉常

公年十七八先祖稱畏友雄筆振八閩時流盡偃走龍

門通北海世好千秋後賤子晚趨承論說早在口長安  
丁巳歲喜得拜山斗時公官諫議氣節重朝右晨夕每  
過從羅列必尊酒促席論舊歡歎歎或良久肝胆披豁  
真意誼殷勤厚古稱青松根於公信云有東山一高卧  
十載邱園守時採山中芝或種門前柳杖履想悠然春  
風重回首我有紫霞觴願公千萬壽迢迢武夷山南望  
素心負

懷安安先生蜀中不歸

三城罷戢戍樓荒一載儲胥尙未遑早說陳情來令伯  
不聞回馭有王陽簡書嚴切愁援鳥宦况羈遲過雪霜  
凝瀕卽今高似馬愁君何日下瞿塘

同王白齋曹劍亭遊松柏菴

城中猶有松柏菴紅塵十丈迴華驂六年京國始一到  
平生枉自誇巖嵐入門乍覺造深谷耳目清曠形神酣  
精廬潔淨不可唾苦茗一啜宜清談前廊磬聲度隱隱  
隔院花影搖參參西山岩巖走屋上野曠正見天垂藍  
門前斷港本局促對之亦似臨澄潭無聊且得破氛俗  
塵顏復恐山僧慚幽奇况聞萬壽寺會騎快馬城西採  
奉

敕題李勉銅琴

畧塘神人翻綠水王孫範之譜太始當年雅製四百餘  
磬折泉枯復甞此

甞泉韻磬皆  
游公琴名

百衲流徽無乃是中有

陽冰三十字插青洗碧置瑤几清風泠泠七絲裏

又

峨嵋松嶧陽桐堅脆曷似銅山銅蔡人得之咸陽中後  
來作者唐汧公土花碧丹砂紅漢代舞鏡宋甌鐘陳之  
秘殿牆屏同

送潘筠軒前輩回山陰

朝叅懶就愛林泉乞得山陰作散仙賀監由來四明客  
齊唐新結少微緣靜憐幽竹生窗下卧看浮雲起櫂邊  
東帛定傳他日詔烟波誰識剡溪船

題畫送客

商風過昨夜眼底秋雲滿庭樹最關情朝來葉微脫短

筇移窄徑幽思誰與豁引領數征鴻歸帆見天末

題徐陶尊綠杉野屋圖

君不見陶彭澤門前種柳同逋客又不見鄭隱岩蔕松  
夾屋輕朝衫君才英傑况年少胡爲結構巢風杉摩挲  
日月見情性委別榛莽驚愚凡清秋老幹排烟霧白日  
飛泉鎖門戶龍威守洞人莫知餘不溪流自來去前年  
溪邊老龍怒已化當窗古桺樹今年風塵獨浩歌一夕  
雷雨空山過歸去清陰幸無恙怡顏還對新庭柯根頭  
把卷吟秋氣林表浮雲識身世嬌紅妖紫何處花碧刺  
斑虬古時翠別求高手裁螺灣千樹萬樹蒼茫間未須  
輦致廊廟用已作圖畫丹青傳君看華子岡前紫杉樹



千年長養同雲烟

題聽蕉圖二首

懷素當年種萬株  
綠天清絕比何如  
西窗自聽蕭蕭雨  
不必先生愛草書

風外離離月下寒  
撼秋弄曉碧攢攢  
詩情已契王摩詰  
更遣爾將雪後看

題劉少司空鏡影圖

神仙居瑤京  
金碧眩光景  
曉日透玻璃  
人間眼初醒  
霏微洗天露  
圓碧湛深靜  
風動五銖衣  
笙鳴意微省  
茫茫雲霞思  
落落人天境  
齊州一烟塵  
不覩全身影  
幾載到蓬山  
還如坐深井

題畫二首

獨尋幽境寄高閒  
滿耳溪聲滿目山  
除却扁舟自來往  
白雲無路接人間  
水閣廻欄愛獨凭  
山容面面碧蛟螭  
勝遊恐向窗中盡  
特遣溪雲隔數層

辛未春帖子三首

重光紀嘉歲  
太簇協芳辰  
率土歌天保  
蘭宮億萬春

玉琯回和應  
律吹溫風綏  
綏出龍墀  
欲知九十韶光好  
正是黃開九葉時

青郊喜兆豐年瑞  
風展春旗映六駟  
甘雨定知隨輦至

恩膏先得是江南

歲暮卽事呈董東山師

昨宵纔送臘不信已經年  
感運雙丸速謀身五技全  
祇餘愁作陣那得酒如泉  
生理憑黃閣還能解俸錢